

Gerichts Ordnung. XVII

lichen vnd Extra ordinari oder Summari Rechten anhengig ha-
be/ auch thünftiglich vberthomen/ in denen ich Clager/ oder ant-
wurtter sein möchte/ welchen Rechtsfürungen ich aber selbs aigner
Person/ anderer meiner ehehafften verhinderungen wegen/ nit bey
sein noch stattlich aufwarten than vnnd mag. Das ich derhalben
vnd aus solchen Bewegunden vsachen/ meinen ganz volmächtigen
General macht/ vnd Gwalt/ in allen meinen yetzo schwebunden/
vnnd zukünffigen Ordinari/ vnd Extra ordinari handlungen/
vor obbemeltem Gericht/ vbergeben/ vnd bewohnen hab/ dem U/
vnd U/ Thue das auch hiemit wissenlich/ vnd in Crafft dis briess/
Also vnd der gestalt/ das jetzternennter U/ in Gmain vnd sonder-
haft/ in allei vnnd jeden meinen/ bey vorgedachtem Gericht fürfalz-
lunden sachen vnd handlungen/ Es sey güetlich oder Rechtlich/
als mein fürgesetzter volmächtiger Gwaltrager vnd anwald/ an
meiner statterscheine vnd von meinentwegen Clag/ antwort/ Red/
Gegenred/ vnd alles das/ so mein vnd der Sachen notdurft eruor-
den wierdet/ handle/ einleg/ vnd fürpringe/ gegen aller menigkli-
chen/ desgleichen von meinen widertailen gestelte Clag/ vnd schrifft-
ten anneme/ dieselben Seines besten verstandts/ wie Jme das die
Recht/ nach jeder sachen sonderer aigenschaft/ gelenhait vnnd not-
durft zuegeben/ widerstreibe vnnd verantworte / Er solle auch
macht haben/ in meinem namen zeugen fürzustellen/ vnd thundt-
schafften einzelaiten/ oder solches von den gegentailen zubeschehen
zubegern/ wider derselbent zeugen Personen vnd zeugnus zureden/
die zeugen/ sehen/ hören/ schwören/ artiel/ vnd fragstück fürzehal-
ten/ darauff zuuersaren/ zubeschliessen/ vthail vnd abschied zuüber-
geren/ Sich deren zubeschwären/ daun zuappelliern/ auch den
appellation Ayd für geuärde/ zuschwören/ oder dasselsb von an-
dern zubeschehen zubegeren/ vnd neben dem gemainflich/ alles das
zethuen vnnd zulassen/ was die Ordnung der Rechten/ vnd anje-
de handlung besönders eruordert/ vnd ich selbs thuen thündt/
vnnd möchte/ oder solte/ allermassen/ vnd anders nit/ als wann ich
personlich/ entgegen wäre. Es mag auch ermelter mein Anwald
ainen andern nachgesetzten Gwaltrager gestelle/ vnd den Gwalt
wider an sich nemmen/ alsoßt jme das noth thuet/ wo auch der Bes-
tent mein Anwaldt oder sein nachgesetzter Gwaltrager mehierß
vnd pessers Gwalt dann hieuor begriffen ist/ bedürftig/ denselben
will ich jnen hiemit auch gegeben/ vnd allen manndl oder abgang

f was

Rhüniglicher May. Newe.

was das wäre / volkommlichen / vnd in pester form als ob sollie
ches gemainem Rechten vnd Landesbrauchnach / mit allen not-
wendigen Articln / Puncten / vnd Clausuln / außs zierlichist thressi-
tigist vnd pündigist nach lenngs hiebeigeschrieben / vnd aufgesuert
wäre / erstat haben. Das alles ist mein enntlicher willen / mainung /
vnd wolgesfallen / zu gewin / verlust / vnd allem Rechten. Ich
will auch aller handlungen so vilgedachter mein Anwald / auch sein
Aßter Gwalttrager / auß disen meinen Gwaltbrieff gütlich oder
Rechtlich von meinentwegen hanndl / zu sagen / oder jnen außser-
legt wirdet / selbs aufrichter vnd volzieher sein / vnd Sysöllicher
Irer gehlegnen handlung gäntzlich vnd allerdings on schaden
vnd nachtail halten / Bey verbindung des Landesleüssigen Schad-
denpundts dises Landes Österreich vnder der Enns / als ob der-
selb von wort zu wort an disem brieff geschrieben stende / Doch be-
halt ich mir beuor / disen Gwalt / so oft es mir gesellig widerumien
außzuheben / ainem andern zueuelchen / oder der sachen selbst auf-
zewartten / alles getrewlich vnd ungewöhnlich / des zu vthund hab
ich rc. Datym rc.

S

Ach diser general Gwalt Notl mögen auch die Spe-
cial Gwalt (mutatis mutandis) formiert vnd gestelt
werden / Doch solle ainem jeden die Substitution des
Aßter Gwalttragers seiner gelegenheit vnd gefallen nach / hinein
zusetzen oder zuunderlassen beuorsteen.

M

Ellicher massen dann die vertigung der Gewalt besche-
hen solle / Ist hieoben Maß vnd Ordnung gegeben /
derselben solle hierinnen nachgangen werden.

Von